

P R O P O Z I C I J E

III NOVOGODIŠNJI MALONOGOMETNI TURNIR GORAŽDE 22/23.

Organizator: JU „SPORTSKI CENTAR“ GORAŽDE

OPĆE ODREDBE

Član 1.

Organizator “III Novogodišnjeg malonogometnog turnira Goražde 22/23.” (U daljem tekstu “Turnir” je JU „Sportski centar” Goražde.(U daljem tekstu “Organizator”).

Turnir će se održati samo u slučaju da se prijavi 6 (šest) ili više ekipa. U suprotnom, uplaćene kotizacije će biti vraćene ekipama.

Član 2.

Utakmice u okviru turnira će se odigravati u Gradskoj dvorani „Mirsad Hurić“ Goražde, a u skladu sa Pravilima malog nogometa/fudbala.

Član 3.

Turnir je otvorenog tipa, te na Turniru mogu učestvovati svi punoljetni građani Bosne i Hercegovine u okviru prijavljene ekipe.

Prijavljene ekipe u svom nazivu ne smiju imati imena i prezimena javnih osoba iz političkog i društvenog života, kao ni pogrdne i uvredljive nazive.

Član 4.

Pravo sudjelovanja na turniru imaju ekipe koje su na vrijeme izvršile svoju prijavu, odnosno izvršile uplatu kotizacije.

Član 5.

Predstavnik ekipe koja je izvršila prijavu dužan je dostaviti spisak igrača koji nastupaju u okviru prijavljene ekipe sa obavezno naznačenom izjavom da su svi članovi ekipe punoljetni građani Bosne i Hercegovine, te važećim kontakt podacima (broj mobilnog telefona).

Član 6.

Turnirom rukovodi i takmičenje provodi Organizator.

Član 7.

U slučaju neispunjavanja svojih obaveza prema Organizatoru od strane prijavljene ekipe ili bilo kojeg njenog člana, svi članovi ekipe gube pravo učešća na “III Novogodišnjem malonogometnom turniru Goražde 22/23.”.

Član 8.

Predstavnici ekipa su odgovorni za zdravstveno stanje igrača koji nastupaju za njihove ekipe na Turniru, kao i za njihovo ponašanje. U slučaju bilo kakve fizičke ili druge povrede, odgovornost snose sami igrači.

PRAVILA IGRE

Član 9.

Ekipe koje uzmu učešće na turniru primjenjivaće ove propozicije, a ne bilo koje druge propozicije.

Za učešće na turniru svoje ekipe mogu prijaviti svi građani Bosne i Hercegovine. U osnovnoj prijavi koju treba dostaviti prilikom prijave ekipe, treba navesti imena i prezimena **12 (dvanaest) igrača za svaku ekipu, te naziv ekipe.**

U igri se istovremeno može nalaziti najviše **5 (pet) igrača /četiri igrača i golman/.**

Pravo nastupa ima samo ona ekipa koja u vrijeme zakazano za početak utakmice izvede na igralište najmanje **5 (pet) igrača /četiri igrača i golman/.** Ekipu vodi na utakmici samo predstavnik uz deset igrača (odnosno, predstavnik uz devet igrača ukoliko je i sam predstavnik igrač) na klupi za igrače i u službenom prostoru. Ako se u službenom prostoru pojave neovlaštene osobe ekipa ne može nastupiti.

Ako u roku od 5 minuta po prijavi delegatu utakmice od strane predstavnika protivničke ekipe neovlaštene osobe ne napuste službeni prostor, ekipa gubi utakmicu sa 3:0, a ako je to slučaj sa obje ekipe, onda se obje diskvalifikuju.

Član 10.

Sve ekipe obavezne su nastupiti isključivo u jednoobraznim markerima ili jednoobraznoj opremi, te bez trenerki (izuzev golmana) i u patikama sa gumenim đonom.

Član 11.

Igrač može igrati samo za jednu ekipu. Ukoliko dvije ili više ekipa prijave istog igrača konačnu pripadnost tokom turnira određuje njegov prvi nastup.

Član 12.

Prijava sastava za svaku ekipu u jednoj utakmici vrši se prije početka utakmice kraj zapisničkog stola. Svaka ekipa dužna je dopustiti da je prije utakmice snimi službeni fotograf Organizatora.

Član 13.

Utakmice počinju u zakazano vrijeme, po rasporedu Organizatora koji će biti objavljen na Oglasnoj tabli JU “Sportski centar”. Ekipa koja u tačno zakazano vrijeme ne izađe na teren sa minimalnim

brojem igrača – 5 (pet), može da traži od Organizatora utakmice da odgodi utakmicu za 5 (pet) minuta, a ako i tada ekipa ne izađe sa dovoljnim brojem igrača – 5 (pet), gubi utakmicu sa 3:0. Sve ekipe moraju biti spremne za nastup najmanje 15 minuta prije zakazanog početka.

Član 14.

Izmjene igrača mogu se tokom utakmice vršiti neograničeno i bez najave, ali samo u prostoru kod zapisničkog stola i to na način da kad jedan igrač izađe, tek onda može ući drugi. U protivnom će se igrač koji uđe prije kazniti sa žutim kartonom, a onaj koji izlazi mora napustiti igru.

Član 15.

Utakmica traje 30 minuta (2 poluvremena po 15 minuta) bez prekida mjerenja vremena, sa odmorom od 5 minuta u poluvremenu. Ekipe imaju u svakom poluvremenu pravo na po jedan jednominutni odmor, ukoliko ga ne iskoriste u jednom poluvremenu ne mogu ga prenijeti u drugo poluvrijeme. Mjeritelj vremena mjeri vrijeme jednominutnog odmora.

Član 16.

Na poluvremenu ekipe moraju zamijeniti klupe i strane.

Član 17.

Ako se utakmica u regularnom vremenu završi neriješenim rezultatom, pravo plasmana u slijedeće kolo ostvaruje se izvođenjem “sedmeraca”. Sedmerci se izvode naizmjenično izvođenjem po 3 (tri) sedmerca obje ekipe koji će biti najavljeni glavnom sudiji i zapisničkom stolu od strane svakog kapitena ekipe prije izvođenja sedmeraca, a između 12 (dvanaest) igrača koji su prijavljeni u zapisnik utakmice. Ako i poslije 3 (tri) izvedena sedmerca rezultat ostane neriješen svaka ekipa izvodi naizmjenično sedmerce dok jedna ekipa ne postigne jedan pogodak više od druge. Ove dodatne sedmerce izvode igrači koji nisu izvodili prva 3 (tri) sedmerca. Ukoliko su sedmerce izveli svi igrači, izvođenje će se nastaviti istim redom do konačnog pobjednika.

Sedmerci se ne izvode u okviru takmičenja u grupama, već samo u slučaju knock-out sistema takmičenja.

Član 18.

Nakon šest učinjenih prekršaja u jednom poluvremenu dosuđuju se kumulativni kazneni udaraci.

Igrač koji u toku utakmice dobije crveni karton isključuje se iz igre, a ekipa u kojoj je igrao dva minuta nastavlja igru sa igračem manje, nakon čega u igru može uvesti drugog igrača.

Crveni karton igrač dobija nakon drugog žutog kartona ili direktno po učinjenom težem prekršaju po ocjeni sudije.

Direktan crveni karton, osim izlaska iz igre u toj utakmici podrazumjeva i narednu utakmicu suspenzije, osim u slučaju kada je naredna utakmica finale turnira.

Igrač koji je isključen ne može sudjelovati u izvođenju sedmeraca.

Član 19.

Organizator određuje osobu koja vrši kontrolu cjelokupne organizacije utakmice. Sve ekipe dužne su legitimirati igrače uoči početka svake utakmice.

Ovlaštena osoba je obavezna kompletan zapisnik s utakmice napraviti odmah po završenoj utakmici u nazočnosti predstavnika obje ekipe i uz nazočnost sudaca.

SUDIJE UTAKMICE

Član 20.

Utakmice na turniru sude sudije koje odredi Organizator.

Član 21.

Utakmicu sude dva suca, jedan i drugi mogu izreći disciplinsku mjeru. Sudije su obavezne sačiniti zapisnik o odigranoj utakmici i u njega unijeti sve primjedbe i zapisnik potpisati.

NAGRADE I PEHARI

Član 22.

Na turniru se nagrađuju 3 prvoplasirane ekipe. Nagrade su novčane, a dodjeljuju se i pehari. Novčane nagrade iznose:

III mjesto – 500,00 KM

II mjesto – 800,00 KM

I mjesto – 1.500,00 KM

OSTALE ODREDBE

Član 23.

Ekipe koje sudjeluju na turniru obavezuju se poštivati odredbe Propozicija Organizatora, kao i načela Fair Play-a, te pismeno potvrđuju njihovo prihvatanje. Sve ekipe **DUŽNE SU SE UPOZNATI SA PROPOZICIJAMA TURNIRA PRIJE POČETKA TAKMIČENJA**, a tokom turnira ne mogu se pravdati o nepoznavanju propozicija. Propozicije se objavljuju na Oglasnoj ploču JU “Sportski centar” Goražde i web stranici www.gorazde.ba.

Na zahtjev Organizatora takmičenja, tj. službenih osoba utakmice, sve ekipe dužne su napraviti fotografiju svoje ekipe kod službenog fotografa turnira, te su dužne odrediti osobu koja će po završetku utakmice predstavnicima medija dati izjavu.

Organizator ima pravo koristiti i obrađivati lične podatke, fotografske, audio-vizualne i vizualne materijale igrača i službenih osoba, kao i potrebnu dokumentaciju za promociju turnira.

O povredama odredaba ovih Propozicija i mjerama, konačnu odluku donosi Organizator. Za sve što nije predviđeno ovim Propozicijama vrijede odredbe Pravila malonogometne igre.

ZAVRŠNE ODREDBE

Član 24.

Propozicije takmičenja donosi Organizator.

Član 25.

Pravo tumačenja ovih propozicija ima Organizator. Za sve što nije regulirano ovim Propozicijama primjenjuju se Pravila malonogometne igre.

Sve odluke donesene osnovom propozicija su konačne.

Svi igrači, te njihovi predstavnici nastupaju na vlastitu odgovornost. Za sve osobne stvari unutar garderobnih prostora svi korisnici preuzimaju vlastitu odgovornost, jer Organizator ne odgovara za izgubljeno, ostavljeno ili otuđeno.

Organizator ima isključivo pravo promjene i tumačenja Propozicija.

Član 26.

Ove Propozicije stupaju na snagu danom donošenja.

ORGANIZATOR
